



# Letsatsi la Lefatshe la Puisetsogodimo la 2021

## Mathababothale a a mosola ka ga go arogana leinane le bomampimpana ba keretše

*Fofang, ba lothe, fofang! le siametse go buisediwa kwa godimo go bana ba ba nang le dingwaga tse 6 le go feta, mme seo ga se reye gore bana ba bannye thata le bone ba ka se itumelele leinane! Fano ke mathababothale mangwe a gore o ka arogana jang leinane le bana ba ba nang le dingwaga tse 3 go ya go tse 6.*

### Pele ga leinane

- ★ Malatsi a le mmalwa pele ga go arogana leinane le bana, le buise makgetlho a le mmalwa. Dira gore o itse leinane sentle thata gore o kgone go le anela gape ka moo o batlang ka teng.
- ★ Akanya ka ditsela tse di ka dirang gore leinane e nne le le kgatlhisan.
  - Simolola leinane ka tsela e le **tlhotheletsang** keletso ya bana ya go batla go itse. Sekai: **Kwala** lekwalo le le reng: *'Ke mang yo o batlang go tsamaya le nna mo leetong la bese go ya go etela Nkoko? Weno ka lerato, Afrika'* Tlogela lekwalo mo lefelong le bana ba ka le fithelang mo go lone mme fa ba le bona, le ba **buisetse**. Dirisa ditilo tse di leng teng go dira 'ditilo' tsa bese.
  - Batla dikarolo tsa leinane moo bana ba ka tsayang karolo, sekai: **go binela pina ya ga Josh**.
  - Ke ditlhagisomaikutlo dife tsa sefatlhego le puo efe ya matsogo, tse o ka di dirisang fa o anela leinane? Sekai: **go nyenya** le go dumedisa **ka go tsholetsa letsogo jaaka Nkoko kwa boemelabeseng**.
  - Kgobokanya le/kgotsa dira dingwe tsa dilo tse di umaklweng mo leinaneng gore o di bontshe fa o ntse o anela leinane. Sekai: **kgetsana e e belegwang mo magetleng e e nang le dipampiri mo teng, sefofane se se dirilweng ka pampiri**. Kgotsa, laisolola le go gatisa ditshwantsho tsa leinane go tswa mo [www.nalibali.org](http://www.nalibali.org)
- ★ Buisa gangwe le gape go tokafatsa bokgoni jwa go anela leinane.

### Ka nako ya leinane

- ★ Itsise bana leinane mme o ba anele lone

### Morago ga leinane

- ★ Botsa dipotso tse di se nang karabo epe e rileng, tse di supang kitso le maikutlo a motho yo o bodiwang, go rotloetsa bana go akanya le go bua ka dikakanyo tse di golaganeng le leinane, sekai: **A o ka nna sefofane kgotsa bese? Goreng o re jalo?**
- ★ Mmogo, itiriseng e kete lo sengwe se se fofang. Bua gore wena o eng.
- ★ Kopa bana:
  - go dira dithekete tsa bese kgotsa go **thala** ditshwantsho ka ga leinane ka dikherayone, dikoki, pampiri le sekere.
  - go **tshameka** mo beseng e o e dirileng. (Gape ba ka **apara diaparo tse di kgethileng** tsa leeto!)
  - go tlhama sešwa dikarolo go tswa mo leinaneng ka go dirisa mmopa o o mebalabala wa bana kgotsa mmopa o o tlwaelegileng
  - go aga difofane kgotsa dibese ka didiriswa tse di ka boang di dirisiwa gape (jaaka mabokose a khatebote, dirolo tsa pampiri ya seiphimodi, dikhurumelo tsa mabotlolo), sekgomaretsi, sekere le pente.

Sa botlhokwatlhokwa, **jang monate!**

E tlhametswe Nalibali ke  
PRAESA [www.praesa.org.za](http://www.praesa.org.za)



T: +27 (21) 448 6000

E: [info@nalibali.org](mailto:info@nalibali.org)

[www.nalibali.org](https://www.nalibali.org)

[www.nalibali.mobi](https://www.nalibali.mobi)

[nalibaliSA](https://www.facebook.com/nalibaliSA)

@nalibaliSA

@nalibaliSA

